



Si son viertis ai 15 di Lui ae Universitât di Udin lis imatricolazions pal an academic 2013/2014 e a laran indevant fin ai 18 di Otubar pai cors di lauree a accès libar. I students a puedin sielzi fra 69 cors di lauree, 35 trienâi, 3 a cicli unic e 31 magjistrâi.

La ufierte formative chest an e je caraterizade di une fuarte sburtade ae internazionalizazion. Vot a son i cors di lauree che a dan titui di lauree o lauree magjistrâl ricognossûts di tancj ateneus internazionâi in Europe (Austrie, Belgjiche, France, Gjermanie, Paîs Bas, Ream Unit, Spagne), Nord Americhe (Canadâ) e Americhe Latine (Argentine e Brasil).

A chesj percors di studi internazionâi, si zonte la ufierte didatiche in lenghe inglese: 2

cors di lauree magjistrâl dal dut par inglès e insegnaments in lenghe inglese in altris 11 cors e a Medisine. A nivel talian, i cors interateneu a son 9, 2 trienâi, cun Triest e Trent, e 7 magjistrâi, cun Triest, Padue e Verone.

“La Universitât dal Friûl – e scolaris la retore Cristiana Compagno – aromai e je orientade a fuart su iniziativis didatichis e aleancis nazionâls e internazionâls, buinis di fâ l’ateneu fur-lan simpri plui fuart e interes-

Viertis lis imatricolazions ae Universitât dal Friûl. La ufierte didatiche e cjape dentri 69 cors di lauree, vot di chei a dan titui ricognossûts in tancj Paîs forescj, intant che al cres il numar dai insegnaments in lenghe inglese.

Un ateneu simpri plui internazionâl

sant par students e docents di dut il mont, e tal stes timp bon di ufrî plui oportunitâts a ducj i students che a vuelin jessi i miôr par un futûr che al sarà simpri plui globâl”.

Informâzions su ufierte didatiche, modalitâts e tiermins di iscrizion, tassis e proceduris pe preimatricolazion in linie a son disponibilii te pagjine web www.uniud.it.

Al è fondamentâl cjalâ cun atenzion i manifestes dai studis. Al è ancje il numar vert 800 241433. Par sostignî la prove di amission ai cors a numar programât la preiscrizion in linie e je obligatorie. Ancje la iscrizion al concors di amission ae Scuole Superiôr dal Ateneu si fâs dome vie web midiant il sît <https://scuolasuperiore.uniud.it>.

I ORARIS DES SEGRETERIARIS

Udin

A Udin la Segretarie students e je in vie Mantica 3 pe aree umanistiche e mediche, in vie Tomadini 30 pe aree economiche e juridiche e in vie des Siencis 206 pe aree sientifiche. I sportei a son vierts al public di lunis a vinars des 9.30 aes 11.30 e, gjavant Avost, joibe des 14 aes 16.

Gurize

A Gurize la Segretarie students si cjate là dal Centri polifunzionâl, a Palaç Alvarez in vie Diaz 5. I sportei a son vierts al public di lunis a vinars des 9.30 aes 11.30 e, gjavant Avost, joibe des 14 aes 16. Si pues clamâ par telefon al numar 0481/580374-360 e scrivi par pueste elettronica ae direzion segreteriastudenti.cego@uniud.it.

Pordenon

A Pordenon la Segretarie students e je tal Centri polifunzionâl, in vie Prasec 3/a, e je vierte al public di lunis a vinars, des 9.30 aes 11.30, e si pues contatâ par telefon al numar 0434 239411 e par pueste elettronica scrivint a: segreteria_studenti.cepo@uniud.it.